

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U GRADAČCU**

Broj: 028-0-Su-25-000 009-8

Datum: 21.01.2025. godine

Na osnovu člana 70. stav 1. 3. i 6. Zakona o javnim nabavkama („Sl. glasnik BiH“, br. 39/14, 59/22 i 50/24) a na prijedlog Komisije za javnu nabavku imenovane rješenjem broj: 028-0-Su-25-000 009-2 od 06.01.2023. godine predsjednica Općinskog suda u Gradačcu donosi:

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za javnu nabavku data u Zapisniku o ocjeni ponuda broj: 028-0-Su-25-000 009-7 od 20.01.2025. godine u postupku javne nabavke usluga čišćenja prostorija Općinskog suda u Gradačcu, provedenog putem konkurentskog zahtjeva za dostavu ponuda te će se ugovor dodijeliti ponuđaču EURO-EMS d.o.o. Tešanj, Kalošević broj 1, 74364 Jelah ID broj: 4219071540002 za ponuđenu cijenu od 29.912,04 KM bez PDV-a.

Član 2.

Po okončanju roka za žalbu, ugovorni organ će pozvati izabranog ponuđača radi zaključenja ugovora, kojim će se regulirati međusobna prava i obaveze vezane za predmetnu nabavku.

Član 3.

Izabrani ponuđač dužan je dostaviti dokaze o kvalificiranosti u roku od 5 (pet) dana od dana prijema ove Odluke.

Član 4.

Ova Odluka objavit će se na web-stranici Općinskog suda u Gradačcu.

Član 5.

Ova Odluka stupa na snagu danom donošenja.

Obrazloženje

Postupak javne nabavke usluga čišćenja prostorija Općinskog suda u Gradačcu pokrenut je Odlukom o pokretanju postupka nabavke broj: 028-0-Su-25-000 009 od 06.01.2025. godine.

Javna nabavka je provedena putem konkurentskog zahtjeva za dostavu ponuda.

Izbor ponuđača izvršen je na osnovu kriterija najniža cijena tehnički zadovoljavajuće ponude.

Procijenjena vrijednost javne nabavke bez PDV-a je 30.000,00 KM.

Obavještenje o nabavci broj: 518-7-2-1-3-1/24 objavljeno je na Portalu javnih nabavki dana, 08.01.2025. godine.

Konkurentski zahtjev za dostavu ponude sa portala javnih nabavki je preuzelo ukupno 6 (šest) ponuđača.

Komisija za javnu nabavku, imenovana Rješenjem o imenovanju Komisije za javnu nabavku broj: 028-0-Su-25-000 009-2 od 06.01.2025. godine izvršila je otvaranje pristiglih ponuda dana: 20.01.2025. godine u 11:00 sati i o istom sačinila Zapisnik o otvaranju ponuda, nakon čega je pristupljeno ocjeni ponuda.

Iz Zapisnika o ocjeni ponuda koji ujedno predstavlja i Izvještaj o radu Komisije utvrđeno je sljedeće:

- da je ukupan broj pristiglih ponuda 1 (jedna);
- da su blagovremeno zaprimljene 1 (jedna) ponuda;
- da nema neblagovremeno zaprimljenih ponuda;
- da je pristigla ponuda samo jednog ponuđača i to „EURO-EMS“ d.o.o. Tešanj.

Obzirom da se u ostavljenom roku prijavio samo jedan ponuđač tako nije bilo mogućnosti provođenja e-aukcije što je u skladu sa odredbom člana 89. stav 3. Zakona o javnim nabavkama i odredbe člana 3. stav 3. Pravilnika o uslovima i načinu korištenja e- aukcije („Službeni glasnik BiH“, broj 66/16).


hodno svemu navedenom Komisija za javnu nabavku je, nakon ocjene ponuda, sačinila preporuku o izboru najpovoljnijeg ponuđača i to EURO-EMS d.o.o. Tešanj sa ponuđenom cijenom od 29.912,04 bez PDV-a.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu pristiglih ponuda shodno kriterijima iz konkurentskog zahtjeva.

Prilikom ocjene provedenog postupka, rukovodilac organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i konkurentskim zahtjevom.

Zbog svega naprijed navedenog, odlučeno je kao u članu 1. ove Odluke.



PREDSJEDNICA SUDA

Slobodanka Kojić

POUKA O PRAVNOM LIJEKU:

Protiv ove Odluke može se izjaviti žalba u roku od 5 (pet) dana od dana prijema Odluke. Žalba se podnosi ugovornom organu u pisanoj formi direktno ili preporučenom pošiljkom, u dovoljnom broju primjeraka, a koji ne može biti manji od tri, u skladu sa članom 99. i 101. stav 5. Zakona o javnim nabavkama BiH („Službeni glasnik BiH“ broj: 39/14).

DOSTAVITI:

1. „EURO-EMS“ d.o.o. Tešanj